

宣統三年七月初十日 星期六 第十號

內閣印鑄局發行

東長安牌樓王府井大街
電話東局二百零一號

內閣官報

內閣官報條例摘要◎第一條 內閣官報為公布法律命令之機關凡 諭旨章奏及頒行全國之法令統由內閣官報刊布◎第二條 凡京師各衙門通行京外文書均由內閣官報刊布各衙門毋庸再以文書布告其各衙門單行文件並非通行及未便公布者仍應自用文書傳達◎第三條 凡法令除專條別定施行期限外京師以刊登內閣官報之日起各行省以內閣官報遞到之日起即生一體遵守之效力其各行省先期接有官發印電者不在此限◎第四條 凡未經內閣官報刊布之章程摺奏有在商辦報章登載者不得援據◎第六條 各省布政司衙門應於所屬科員中特派一員經理寄送內閣官報及收集報費事宜並將該員銜名申報內閣年終彙總考成有延誤者照遺誤公文例懲處其無布政司省分由該省督撫飭令度支司派員辦理◎第十一條 京外大小官署均有購讀內閣官報之義務

目錄

宣統三年七月初十日 第十號

宮門鈔

諭旨一道

交旨一道

事由單

電咨

內閣收覆鄂督電

法部收覆護陝撫電

法令

內閣奏接收外務部勳章寶星等項案卷及擬

定給發寶星執照改用閣印日期摺

外務部致英朱使照會

英朱使覆外務部照會

摺奏

魯撫奏辦理土藥統稅遵

旨裁撤部局酌

擬善後辦法等摺併單

熱河都統奏永禁門丁干預公事請立案片

桂撫奏模範監獄疏防盜犯依限緝獲還禁摺

滇督奏守備譚高霖藉名撞騙請革職歸案審

辦片

內閣奏遵議山西等省保薦孝廉方正摺

湘撫奏預保高等審判檢察廳承長人員摺

陝撫奏縣丞陳芝等規避調驗請革職永不叙

用片

鄂督奏故令江世玉功德在民請入祀名宦摺

陝撫奏故令余宏蔚遺愛在民請 宣付史

館立傳摺

浙撫奏孀婦王方氏捐產助學請建坊片

咨劄

內閣通行京內各衙門裁缺內用人員分別簽

掣行走文附單

廣告

本局石印現行刑律減價廣告

內閣官報發行章程摘要

宮門鈔

七月初九日 法部 大理院 八旗兩翼值日

世中堂專摺謝 賞假一個月毋庸開缺 恩 李家駒等謝署缺 恩 華世

奎因子以內用謝 恩

朗貝勒 良泰各請假十日

明保江蘇試用道梅光遠 丁乃澄預備 召見

李家駒等遞封奏一件 溫肅遞封奏二件

召見內閣總協理大臣 梅光遠 丁乃澄

諭旨

監國攝政王鈐章

七月初九日內閣奉

上諭著派湖廣總督瑞澂兩廣總督張鳴岐署四川總督趙爾豐湖南巡撫余誠格各於粵漢川漢所轄境內會同辦理鐵路事宜欽此

奕劻那桐徐世昌署名

交旨

七月初九日

監國攝政王鈐章

欽奉

諭旨本日召見之江蘇試用道梅光遠著以道員仍發江蘇補用分省試用道丁乃澄著以道員發往廣東補用均交內閣存記欽此

奕劻那桐徐世昌署名

事由單

七月初九日內摺傳 旨事由單

內閣 彙奏 上諭奉 旨留欽此

法部 奏候補推事陳錫恭等升補從五品推事事奉 旨依議欽此

又 片奏候補推事張孝移請以從五品推事留院補用事奉 旨依議欽此

又 奏呂考娃等由申彙奏事單一件奉 旨依議欽此

又 奏王泳恆等由申彙奏事單一件奉 旨依議欽此

又 奏周菊初等由申彙奏事單一件奉 旨依議欽此

又 奏許振聲等由申彙奏事單一件奉 旨依議欽此

又 奏郭書兒等由申彙奏事單一件奉 旨依議欽此

大理院 奏催咨交各省京控案件彙奏事單一件奉 旨依議欽此

又 奏覆判廣西巡撫奏知縣李炳壩擅殺反獄罪犯陳洛書等六命分別議擬事奉 旨依議

欽此

又 奏覆判溫今敖等命案彙奏事單一件奉 旨依議欽此

又 奏覆判陳川玉等命案彙奏事單一件奉 旨依議欽此

又 奏覆判朱性垠等命盜各案彙奏事單一件奉 旨依議欽此

又 會奏宗室覺羅現審月摺奉 旨知道了欽此

又 奏旗民現審月摺奉 旨知道了欽此

內閣起居注鑾輿衛鑲黃旗滿洲正黃旗蒙古鑲紅旗滿洲鑲紅旗漢軍前鋒護軍營各述 旨均奉

旨是欽此

七月初九日外摺欽奉 硃批事由單

端 方 奏在鄂設立總公所分科治事並籌接各路事宜摺奉 硃批知道了欽此

又 奏會派丁憂藩司高凌霨等分充各路總辦摺奉 硃批知道了欽此

又 奏委湖南布政使鄭孝胥為粵漢川漢鐵路總參贊片奉 硃批知道了欽此

又 奏調吳學廉等並留臨安守弼良在工差委片奉 硃批弼良著速赴臨安府本任所請留

工之處著毋庸議餘照所請該衙門知道欽此

松 壽 奏籌還百十七期賠款摺奉 硃批該部知道片二件併發欽此

又 奏解第十年第九期新案賠款片奉 硃批覽欽此

又 奏解新案賠款片奉 硃批覽欽此

本報七月初八日法令類陸軍部奏軍事司法應歸劃一摺閏六月二十八日奉 硃批依議欽此

批二字排印誤作 旨字敬謹更正

電咨

內閣收覆鄂督電

●收鄂督電 鄂省本年募借外債二百萬以爲借輕利還重利借長期還短期借整數還零數業將各項理由於上年十二月交諮議局臨時會議決經議員全體贊成通過一面奏咨核准在案現在財政困難待需孔亟借款磋商日久甫經簽押本擬俟九月開會將此合同交議乃現據諮議局常駐議員援引局章呈請將草合同交議前來查訂立合同係行政官專責倘有不合情事諮議局儘可照章糾舉此項草合同似可毋庸交議惟與局章二十一條第四款究竟有無窒礙之虞仍請詳晰電示遵辦激徑

●覆鄂督電 武昌制台鑒徑電悉局章二十一條第四款所稱本省公債事件凡應否募借及募借款合同均應歸該局議決惟常駐議員呈請交議一節查常駐議員無協議該條第四款之權湖北本省需款雖亟然爲數既有二百萬之多應俟九月開會將此合同交議經議決後再照章公布施行如總督認爲係局章三十三條之緊要事件亦應召集臨時會方與局章二十一條第四款無窒礙之虞內閣江

法部收覆陝撫電

●收陝撫電 法部大臣鈞鑒據提法使錫桐稟稱高等審判廳判決人犯有立決者若奉部覆後應由檢察廳監視行刑陝省模範監獄業已開辦是否即在獄內秘密行刑抑仍綁赴市曹正法預請示遵能訓叩支

●覆陝撫電 西安護撫鑒支電悉模範監獄既已成立立決人犯應在監內行刑希飭遵

內閣奏接收外務部勳章寶星等項案卷及擬定給發寶星執照改用閣印日期摺

內閣為通行事本閣具奏接收外務部勳章寶星等項案卷及擬定給發寶星執照改用閣印日期一摺宣統三年七月初八日奉 旨知道了欽此相應抄錄原奏咨行貴衙門查照可也須至咨者

奏為接收外務部勳章寶星等項案卷及擬定給發寶星執照改用閣印日期恭摺具陳仰祈 聖鑒事竊查 臣閣未經設立之先所有頒賞寶星事項向歸外務部核議辦理並經該部於會奏遵議各項勳章章程摺內聲明此項勳章局擬暫設於外務部俟官制訂定後再遵照定制辦理等因本年五月二十七日 臣等會奏內閣屬官官制第八條制誥局所掌七八九等項均係勳章寶星事務茲准外務部將所管前項案卷等件咨送到閣飭由制誥局接收 臣等公同商酌除前擬各項勳章辦法現在尙未實行其關於寶星核議頒賞事件擬於七月初一日以後即由 臣閣接辦並於是日起將應發寶星執照均改用內閣印信預由外務部照會駐京各國使臣並行知出使各國大臣暨京外各衙門一體查照至製造勳章寶星 臣等商明外務部仍暫由該部辦理陸續送閣備用俟機器購到再由 臣等飭印鑄局接辦所有一切用款均仍由出使經費項下開支所有接收外務部勳章寶星案卷並執照改用閣印日期各緣由理合恭摺具陳伏乞 皇上聖鑒謹 奏

外務部致英朱使照會 宣統三年七月初四日

爲照會事本部奏請分省禁運印度洋藥擬從奉天等省先行辦理一摺業於本月初二日具奏奉 旨依議欽此所有奉天吉林黑龍江山西四川五省擬卽定於本月十九日卽西曆九月十一號爲實行禁止印藥運入各該省之期相應照會貴大臣查照見覆可也須至照會者

英朱使覆外務部照會

宣統三年七月初七日

爲照覆事本月初五日接准來文以本部奏請分省禁運印度洋藥擬從奉天等省先行辦理一摺業於本月初二日具奏奉 旨依議欽此所有奉天吉林黑龍江山西四川五省擬卽定於本月十九日卽西曆九月十一號爲實行禁止印藥運入各該省之期相應照會貴大臣查照見覆可也等因本大臣准此應代本國政府於貴親王所擬之期備文認可爲此照覆須至照會者

山東巡撫孫寶琦奏辦理土藥統稅遵

旨裁撤部局酌擬善後辦法等摺

併單

奏為東省辦理土藥統稅遵

旨裁撤部局酌擬善後辦法並單稅照花式樣恭摺仰祈

聖鑒事竊查宣統三年六月二十八日准度支部咨具奏裁撤土藥統稅各局請將善後事

宜責成各省督撫辦理一摺奉

旨依議欽此欽遵查照辦理等因六月初三日復准度支

部咨筭權司案呈宣統三年四月十一日欽奉

諭旨度支部奏各省土藥擬請比例洋藥

酌量加稅每百斤征銀二百三十兩等語著照所請辦理欽此欽遵先後咨行到東並由部

酌定補稅各辦法通電各省迭經通飭遵辦在案惟查東省所有部局土藥分卡業已一律裁

撤而禁運既難實行勢不能限令悉從海口而入若僅責成膠東兩海關稽征誠恐尚多疏虞

然此後稅收無幾又萬無再行設卡之理山東曹兗濟一帶向產罌粟歷年囤積一時斷難售

盡且該處界連蘇豫都係昔日產土之區設非規畫周密不特稽征有礙於禁煙前途關係亦

殊非細茲據布政使志森等酌定征收土藥單行章程並照花式樣擬以後經征土藥即責成

各州縣切實經理遇有外來土藥過境隨時嚴密稽查毋使稍有灑賣倒灌情事似於經費既

可樽節而征禁亦能兼顧詳請具奏前來臣覆核無異除咨度支部查照外理合將酌擬章程

繕具清單恭摺具陳伏乞

皇上聖鑒訓示謹

奏宣統三年七月初六日奉

硃批度

支部知道單併發欽此

謹將酌擬山東征收土藥統稅章程繕具清單恭呈

御覽 謹開

一現在部局已撤改歸各省經收並經該部奏加稅則核定通行辦法東省現雖禁種已久外

土輸入寥寥而曹單濟兗一帶本係產土之區亦不敢謂其必無存土自應遵照部章另定東省征收土藥統稅單行章程以爲收稅張本

一舊章每土藥百斤收統稅庫平銀一百兩又隨收經費庫平銀十五兩現應遵新定稅則增爲每土藥百斤共收統稅庫平銀二百三十兩此外並無別項名目亦不另收經費

一統稅現歸各省自辦其征收辦法與前略有不同除本產本銷土藥應仍舊由本省照收全稅庫平銀二百三十兩外其餘本產外銷及外產本銷土藥應改由起運省分及落地省分各半分收經過之省祇稽不征譬如東土運陝應於由東起運時先完起運半稅庫平銀一百十五兩至陝落地後再完落地半稅庫平銀一百十五兩陝土運東亦復如是經過豫省祇任稽核不復重征

一東省各土卡現已早撤煙禁日嚴存土外土均屬無幾自未便另再設卡致涉虛糜所有征收前項統稅以及查驗過境土藥等事應卽一律責成各地方官切實經理

一本產本銷及本產外銷土藥應於所在地方官衙門報明完稅其外產本銷土藥應於入境首站地方官衙門報明完稅該地方官衙門卽查明土數是否相符以及應完全稅半稅數目分別飭納稅銀填給執照註明件數斤重以及稅銀數目並於每件土包眼同粘貼印花本銷土藥卽准其在山東境內行銷外銷土藥亦准其出境經過各處祇須呈驗執照查明件數斤重相符卽予放行不得稍有留難阻滯如有照花不符或匿稅不報情事應照私土例報明充公其有外來土藥尙未報完起運半稅前來呈請補稅者如查明實非有心偷漏應准照章補稅如係指銷本省應照本產本銷例指銷外省應照本產外銷例分別飭納

稅銀給照貼花一體運銷

一新章以前散存各屬已完部局統稅土藥應照新章分別補足加稅應查照部電除已經落地存積行棧鋪戶之土毋庸補稅以免騷擾外仍應責令於一個月內報明存案以示限制凡新章前已完稅而現運出境者或改章時起運在途而現運入境者或已落地而現復運出境者均應照新章補足加稅以歸劃一此項加稅報完後應另給予照花俾資信守

一前項執照應分五種一曰本產本銷土藥全稅執照一曰本產外銷土藥起運半稅執照一曰外產本銷土藥落地半稅執照一曰完稅土藥補足加稅本銷執照一曰完稅土藥補足加稅外銷執照印花亦應分爲兩種一曰土藥統稅印花一曰土藥補稅印花 甲 本產本銷執照擬用三聯一給商人一繳藩署一留完稅地方官衙門存查 乙 本產外銷執照擬用四聯一給商人一送落地省分一繳藩署一留完稅地方官衙門存查 丙 外產本銷執照擬用四聯一給商人一送起運省分一繳藩署一留完稅地方官衙門存查 丁 補稅本銷執照擬用三聯一給商人一繳藩署一留地方官衙門存查 戊 補稅外銷

執照擬用四聯一給商人一送落地省分一繳藩署一留完稅地方官衙門存查

一各州縣衙門征收此項土藥統稅應將報運商名斤重件數稅銀數目以及照花號數張數按月詳細冊報藩司衙門以憑稽考征收稅款以及應繳報查移查移覆等件尤應隨冊解繳不准稍有遺漏短欠所需經費應准援照各州縣經征各項稅捐辦法每征銀百兩准其留支五釐銀五兩以資辦公

一外來已完起運半稅過境土藥到東時應於入境首站地方衙門呈驗執照查照件數斤重

相符並於原執照上加蓋某處驗訖記准予放行沿途地方查驗貨照相符亦即放行無阻惟此項土藥不得再報落地以杜取巧如查有灑賣倒灌情事應照所售土數應完稅銀加倍懲罰

一各州縣衙門查驗經過土藥亦須將報運商名斤重件數稅銀數目以及照花號數張數按月詳細冊報並將收稅地名一併冊報以憑與原收處所報冊磨對是否相符此項土藥必須切實考查或復加秤驗如有以多報少或照花不符情弊應即一面據實呈報藩司衙門以憑責成原收處所照數賠補並按情節重輕分別澈究一面即由該州縣責令商人將以多報少少報銀數如數補完並按少報銀數加二倍懲罰准予放行照花不符者應即一律充公以杜混淆第不得因此巧立名目別滋需索違者准商人指名控究

一前項商人赴州縣衙門報納稅銀或報查土數均應立即核辦不准胥役人等於應納稅款外別生需索尤不得稍有留難如違准商人隨時指控嚴懲不貸

一從前統稅章程每熟膏一斤係照土藥二斤完稅煙灰二斤係照土藥一斤完稅現奉稅務大臣來文此項熟膏應照新章一律加征自應遵照以歸一律

一從前東省曾有土藥運照章程係爲稽核完過部局統稅土藥而設現在統稅既已改歸各省經收並由本省給發執照所有前項運照自應停止以省煩複

一此外如有未盡事宜應隨時修改

宣統三年七月初六日奉

硃批覽欽此

熱河都統溥頌奏永禁門丁干預公事請立案片

再州縣信任門丁最爲地方之害自前都統臣錫良痛懲之後此輩稍知斂跡近來故態復萌毫無顧忌此次豐甯縣知縣張植隆化縣知縣竇人楨皆係門丁索詐倚官擾民已飭將該門丁等提府嚴審俟訊有確供照例辦理並由臣通飭各屬永禁門丁干預公事惟恐積久懈生仍蹈故習則吏治民生受害匪淺自應奏明立案以杜弊源所有永禁任用門丁緣由理合附片具陳伏乞
聖鑒謹 奏宣統三年七月初三日奉 硃批知道了欽此

廣西巡撫沈秉堃奏模範監獄疏防盜犯依限緝獲還禁摺

奏爲省城模範監獄疏防盜犯越獄脫逃依限緝獲還禁恭摺具陳仰祈

聖鑒事竊據廣西提法使王芝

祥詳稱宣統三年五月十九日據模範監獄正典獄官趙一德呈稱本年四月十五日准桂林地方檢察廳移送人犯楊容泰一名到監當即驗明如法鎖釘錄錄收入分房監嚴禁五月十四夜親督看守長史同相驗明該犯鎖鑰如法飭令牢固收禁是夜風雨大作五更時分據看守長史同相稟稱因風雨大作督同看守押丁人等輪班分區梭巡未敢稍懈詎三句四十分鐘時巡至分房監查知該犯楊容泰乘間撬開天花板扭斷鑰鑰逃登時追捕無蹤由該正典獄官轉報到司查該犯楊容泰係聽從首盜滕廣泉行劫鄧宏福家夥盜經桂林地方審判廳判以斬立決業已由桂林地方檢察廳繕具供判送司轉申法部在案據報在模範監獄脫逃當飭將是夜輪值該班梭巡之看守張守銘周瀛押丁鄧貴謝廷等四名送由桂林地方檢察廳提送審判廳訊據各供委係依法看守偶致疏脫並無鬆刑賄縱情弊並據該檢察廳將勘明情形呈報前來該司查宣統元年八月內前升任撫臣張鳴岐奏辦省城模範監獄請查照奉天奏定章程罪犯脫逃如係故縱賄縱仍照定例處分偶爾疏脫稍從寬免看守長及看守人等分別撤差勒緝以專責成而免畏避是年十月十四日

奉 硃批該部知道欽此又查政治官報內載東三省總督臣奏設省城模範監獄原議相符欽奉 諭
旨在案今該犯楊容泰越獄脫逃訊明該看守押丁人等實係偶致疏脫並無故縱賄縱情弊應請將看守長
史同相撤差看守押丁人等勒緝並飭地方檢察廳臨桂縣及各地方官一體緝拿以期必獲詳候核奏等情
到臣當經批飭勒限嚴緝一面查核具奏間旋據該司詳稱據典獄官遵飭看守長史同相督同看守周瀛張
守銘押丁鄧貴謝廷並巡警人等偵探臨桂永福等縣亦派親兵協緝於六月十一日在永福縣地方將該犯
楊容泰拿獲押解回省因該犯被拿拒捕格傷未能提訊今醫治稍痊提案審明實係乘間脫逃看守押丁人
等一時疏忽並無賄縱情弊人犯越獄例應加等治罪該犯楊容泰原犯罪名已干斬決無可再加應嚴行監
禁聽候原案部覆施行看守人等於百日限內將犯緝獲律得免罪請免置議理合詳請核奏等情臣覆加查
核無異應如該司所擬辦理飭令轉諭該典獄官嚴督現在看守獄囚人等隨時倍加謹慎毋稍疏忽干咎所
有模範監獄疏防盜犯越獄脫逃依限緝獲還禁緣由謹恭摺具陳伏乞 皇上聖鑒敕部查照謹 奏宣
統三年七月初二日奉 硃批法部知道欽此

雲貴總督李經羲奏守備譚高霖藉名撞騙請革職歸案審辦片

再滇省審判初立名譽關係匪輕豈容詐僞之徒指撞招搖致為司法前途之障礙乃有補用守備譚高霖膽
敢藉地方審判廳之名向僧人普清撞騙得賄銀米各物玩法作奸實為武營敗類經該廳訪聞訊實稟請叅
革究辦前來相應請 旨將該守備譚高霖即行革職歸案審辦以儆效尤除咨部查照外謹附片具陳伏
乞 聖鑒訓示謹 奏宣統三年七月初六日奉 硃批著照所請該衙門知道欽此

內閣奏遵議山西等省保薦孝廉方正摺

奏爲遵 旨議奏事准吏部移交據山西巡撫丁寶銓奏稱監生孫鴻業等五十名堪膺保薦孝廉方正又據浙江巡撫增韞奏稱附貢生程德芙等六十二名堪以孝廉方正保薦等因於宣統三年五月二十三二十五等日先後奉 硃批吏部議奏欽此又據兩廣總督張鳴岐奏稱廣西試用州判廩貢生林鴻等二名堪

膺孝廉方正又據貴州巡撫龐鴻書奏稱廩生賈上書等十九名均堪保薦增生張錦銘等二十三名應請給予六品頂戴又據江蘇巡撫程德全奏稱附貢生劉源嶠等十五名堪膺保薦廩貢生試用訓導蔣康田等二十四名應照例給予六品頂戴又據河南巡撫寶棻奏稱州同職銜李賢路等二十七名堪膺孝廉方正湖廣總督瑞澂奏稱優增生康維棟等五十名堪以保薦監生鄢宏度等五十九名照例給予頂戴又江西巡撫馮汝暎奏稱附生胡安瀾等三十名保送考試附生劉作霖等一百八十一名給予頂戴榮身又閩浙總督松壽奏稱訓導林炳輝等六十五名堪膺保薦又雲貴總督李經羲奏稱候選教職王成章等十二名名實相符各等因於宣統三年六月初五等日先後奉 硃批內閣知道單併發欽此欽遵到閣查例載遵 恩詔保

舉孝廉方正令直省督撫轉飭府州縣衛各官令該地方紳衿耆庶鄰黨合詞公舉該地方正印各官務當採訪公評詳稽事蹟其所舉或係生員會同該學教官查核造具事實清冊加具印甘各結申請該管上司逐加訪察督撫核實保題如樸實拘謹無他技能不能考試者給予六品頂戴榮身如其中果有德行才識兼優堪備 召用者准督撫出具切實考語破格保薦給咨該生彙齊考試又吏部酌改孝廉方正考試次數及保送年限章程內開擬請將舊例八年限期酌改爲四年每年八月舉行考試一次各省應舉人員務於按年五月以前彙齊奏報俟核覆後即迅速給咨限七月內人文到部各等語今據山西巡撫丁寶銓奏舉孫鴻業等五十名浙江巡撫增韞奏舉程德芙等六十二名兩廣總督張鳴岐奏舉林鴻等二名貴州巡撫龐鴻書奏舉賈上書等十九名張錦銘等二十三名江蘇巡撫程德全奏舉劉源嶠等十五名蔣康田等二十四名河南巡撫寶棻奏舉李賢路等二十七名湖廣總督瑞澂奏舉康惟棟等五十名鄢宏度等五十九名江西巡撫馮汝暎奏舉胡安瀾等三十名劉作霖等一百八十一名閩浙總督松壽奏舉林炳輝等六十五名雲貴總督李經羲奏舉王成章等十二名均堪膺孝廉方正之選 臣等查核與例相符應行知照該督撫迅速給咨赴閣投考

其有不願考試者應准給予六品頂戴榮身所有違議緣由謹繕摺具陳伏乞
年七月初六日奉 旨依議欽此

皇上聖鑒謹 奏宣統三

調補陝西巡撫湖南巡撫楊文鼎奏違章預保高等審判檢察廳丞長人員摺

奏為湘省高等審判檢察廳將次成立遵章預保堪勝兩廳丞長人員懇 恩飭部存記以備任用恭摺仰

祈 聖鑒事竊照湖南省城審判檢察各廳因上年災亂洊臻財政支絀經 臣奏明緩至本年俟廳工完竣

再行開庭在案 臣維司法獨立實為憲政綱維裁判改良端賴得人而理高等審判檢察丞長掌理全廳事務

監督通省下級各廳責任至為重要非有深通法律熟悉地方情形之員不克勝任查法部奏定章程各省高

等審判廳丞檢察廳長由部擇員預保臨時請 簡各督撫亦得於該省品秩相當各員中慎加遴選出具

切實考語咨部考核奏請 簡放等因湘省高等廳工現正督飭承辦各員加緊建築勒限七月內告成一

俟工竣即應預備開庭所有兩廳丞長自應遵章預保以備任使茲經 臣督同提法使於通省候補道府各員

中詳加考察查有湖南候補道涂懋儒安徽拔貢在湘歷辦要差措置裕如才識明敏治事精詳候補知府王

壽齡廣西拔貢由刑部主事捐升知府分發來湘歷署辰州長沙寶慶等府均能勝任精細穩練辦事切實該

二員於湘省風俗民情均極諳悉新律亦能研究為司法中不可多得之才合無仰懇 天恩俯准飭下法

部將涂懋儒以高等審判廳丞存記王壽齡以高等檢察廳長存記屆時奏請 簡用出自 逾格鴻施

除將該員等履歷咨部查核外所有遵章預保堪勝高等審判檢察廳丞長人員緣由謹會同湖廣總督 臣瑞

澂恭摺具陳伏乞 皇上聖鑒訓示謹 奏宣統三年七月初五日奉 硃批法部知道欽此

陝西巡撫恩壽奏縣丞陳芝等規避調驗請革職永不叙用片

再查禁煙功令稽察維嚴當此庶政一新凡在仕途人員尤宜振淬精神前除舊染陝省自設立戒煙公所調

驗以來歷飭認真辦理茲據司道會詳查有候補縣丞陳芝入所調驗挾帶煙膏候補知縣王紹曾府經歷王

大謨典史葉應霖均臨時告病屢傳不到顯係有意規避詳請覈辦前來 臣覆覈無異未便稍事姑容相應請

旨將陝西候補縣丞陳芝候補知縣王紹曾府經歷王大謨典史葉應霖一併革職永不叙用以肅官方

而儆陋習除分咨外理合附片具陳伏乞 聖鑒訓示謹 奏宣統三年七月初六日奉 硃批著照所

湖廣總督瑞澂奏已故前署黃安令江世玉功德在民請入祀名宦摺

奏爲已故知縣功德在民請入祀名宦恭摺仰祈 聖鑒事竊據湖北布政使余誠格詳據黃州府知府麒

振轉據署黃安縣知縣朱慶琳詳據禮部員外郎陳鴻翼等稟稱已故前署黃安縣知縣江世玉性直守介夙

著政聲前於同治元年委署黃安縣事時值捻逆竄擾烽火頻驚土匪潛滋人心惶懼該故員到任以後練團

設守防操兼施閭閻賴以乂安實爲一方保障兼能勤求民隱折獄片言養士以助賢才積穀以防饑饉其餘

若除衙蠹開溝洫恤嫠養育嬰安良除暴凡諸善政次第舉行靡不實力實心孳孳弗倦歷今年久遺愛在民曾

於光緒三十四年呈蒙 奏准將該故員生平政績事實 宣付史館立傳列入循吏茲查該故員於光緒

七年病故迄今已逾三十年之久追思善政民不能忘臚陳事實具結援例稟請將該故員入祀名宦祠由縣

呈府詳司層遞加結請 奏前來 臣覆查前署黃安縣知縣江世玉勤政愛民功績具在輿情感戴久而弗衰

計其身故已三十年子孫並無現任九卿茲據紳民籲請核與年例相符按前准部咨鄉賢名宦每年改於八

月以前彙奏一次自應查照辦理合無仰懇 天恩俯准將已故前署黃安縣知縣江世玉入祀黃安縣名

宦祠春秋致祭以順輿情除將冊結咨送民政部查照外理合恭摺具陳伏祈 皇上聖鑒謹 奏宣統三

年閏六月二十八日奉 硃批該衙門知道核議具奏欽此

陝西巡撫恩壽奏已故前署澄城令余宏蔚遺愛在民請 宣付史館立傳摺

奏爲已故知縣政績卓著遺愛在民懇 恩宣付史館立傳以順輿情而資觀感恭摺仰祈 聖鑒事竊

查州縣爲親民之官與百姓感情爲最近得人則治自昔皆然近來要政增新小民擔荷較重撫綏獎勸端賴

循良 朝廷澄叙官方必先注意於牧令凡有官聲政績遺愛在民者一經據情陳請無不立沛 恩施於

闡揚潛德之中寓鼓舞羣倫之意 聖謨廣遠薄海同欽茲查有陝西已故補用知縣前署澄城縣知縣余

宏蔚湖南長沙縣人秉性純誠勇往任事同治初以從征回捻有功保升知縣歷署耀州宜君等州縣所至有

聲而兩署澄城政績尤爲卓著其初至澄城也在光緒七年時值大禘之後倉廩空虛該故員勸民積穀備荒

初多觀望乃捐廉以爲之倡并延集正紳盡力勸導卒能積有義穀二萬餘石分儲城鄉及光緒十九年再署澄篆則旱象又見哀鴻遍野該故員先提義倉之半儘極貧者計口授食仍留其半於次春普散次貧向例出借倉糧必需富民保領該故員恐極貧者無人敢保許令貧民互相連保一律領食是役也清查戶口監視散放皆該故員躬親其事形神交瘁數月不遑卒使實惠均霑饑民不致失所食其德者至今頌二天焉然此猶一邑之利也陝屬經兵燹曠土甚多該故員招墾有方民歌樂利草萊盡闢賦課遂增有裨於府庫者其功尤多至於籌學費以興文教辦保甲以治盜源清積案以息訟端雪沈寃以除兇暴廣傳牛痘則保赤有方懲治狠貪則窮黎免害義之所在知無不爲心有未安力求其濟以故仕秦垂三十載而卒後不名一錢賴同寅扶助始得成殮以歸其居官潔己愛民誠有未便湮沒者據布政使錢能訓詳據該管道府查由澄城縣紳士楊澍等合詞稟請具 奏前來 臣覆查該故員筮仕關中兩權澄篆本仁心而爲政有善教以得民遺澤孔長無愧循良之選幽光待闡宜蒙史冊之褒合無仰懇 天恩准將已故前署澄城縣知縣余宏蔚生平政績宣付史館立傳列入循吏以順輿情而資觀感出自 逾格鴻施除將事實冊結咨送查照外理合會同陝甘總督臣長庚恭摺具陳伏乞 皇上聖鑒訓示謹 奏宣統三年七月初六日奉 硃批允行該衙門知道欽此

浙江巡撫增韞奏孀婦王方氏捐產助學請建坊片

再查捐助地方善舉銀至一千兩以上者例得准予 奏請建坊近來報効學款歷經遵辦有案茲據金華縣知縣黃羨欽詳據東鄉民人王本立等稟稱創辦蒲塘小學自成立以來經費支絀現有孀婦王方氏願將田房併銀合一千五百元捐入該堂作爲基本財產當繳契據過戶收管由縣取具田單切結加具印結呈由署提學使袁嘉穀詳請 旌獎前來 臣查地方興學籌款維艱該孀婦關心教育慨捐鉅款洵屬深明大義求之巾幗尤爲難得所捐銀數核與建坊定例相符合無仰懇 天恩俯准獎給貞德育才字樣令其自行建坊以昭激勸除將田產清摺及印切各結分咨查照外謹附片具陳伏乞 聖鑒謹 奏宣統三年七月初

內閣通行京內各衙門裁缺內用人員分別簽掣行走文 附單

為通行事叙官局案呈所有裁缺呈請內用之頤壽等二百二十三員本閣於宣統三年七月初七日將該員等簽掣各衙門行走除該員等出身履歷另行知照外相應開單通行各衙門查照傳令該員等到部可也

計開

各項實缺郎中 頤壽法部 交通農工商部 以上二員應作為各部實缺郎中出缺後底缺裁撤

各項候補郎中 錫元郵傳部 徐厚祥法部 以上二員應作為候補郎中由各部酌量咨查補用

正途實缺員外郎 鈺昶郵傳部 慶元法部 以上二員應作為各部實缺員外郎出缺後底缺裁撤

各項實缺員外郎 溶坊理藩部 文炳農工商部 義斌民政部 晉榮法部 鍾祿度支部 以上五員

應作為各部實缺員外郎出缺後底缺裁撤

各項候補員外郎 代倫民政部 恩培度支部 朱煜森農工商部 成治法部 文明理藩部 英啓農

工商部 碩昌民政部 誠斌郵傳部(以上三員原官候補侍讀) 以上八員應作為候補員外郎由各

部酌量咨查補用

正途學習員外郎 劉先觀農工商部 以上一員應准接算前資扣滿學習年分經該部奏留後歸入員外

郎本班咨查補用

各項學習員外郎 桂山郵傳部 以上一員應准接算前資扣滿學習年分經該部奏留後歸入員外郎本

班咨查補用

正途實缺主事 陶世鳳度支部 以上一員應作為該部實缺主事出缺後底缺裁撤

各項實缺主事 崇宜度支部 以上一員應作為該部實缺主事出缺後底缺裁撤

正途候補主事 張稱達法部 余良述農工商部 何振清民政部 春和度支部 王德懋民政部 陳

熙朝學部(以上六員原官候補主事) 楊治清農工商部 李枝茂郵傳部 周寅法部 保貴郵傳部

李效功學部(以上五員原官實缺閣中書) 以上十一員應作為候補主事由各部酌量咨查補用

各項候補主事 雙慶度支部 吉芳理藩部 龍紱年法部 雷澤揚郵傳部(以上四員原官候補主事)

文鍾民政部 扎克丹郵傳部(以上二員原官實缺典籍) 德祿法部 英和法部 增桂法部 全

裕農工商部 善魁理藩部 春霖農工商部 英銳民政部 覺羅寬序度支部 常年度支部 桂芳

郵傳部 承啓民政部 俾壽農工商部 佩志民政部 儒志農工商部 聯溥度支部 豐盛額法部

斌清理藩部 鄂榕理藩部 忠安法部 文陞農工商部 阿勒吉春郵傳部 覺羅榮桂度支部

穆都哩理藩部 榮斌郵傳部 全綽農工商部 隆恩法部 福克津度支部 恩露理藩部(以上二

十八員原官實缺閣中書) 石登壇民政部 楊宗孟民政部(以上二員原官實缺科中書) 王延釗

度支部(原官裁缺鴻臚寺主簿改候補司務) 以上三十七員應作為候補主事由各部酌量咨查補用

正途學習主事 羅本持學部 吳榮炳法部 周殿薰度支部 趙昌燮農工商部 蕭樹棠民政部 吳

炳縱郵傳部 以上六員應准接算前資扣滿學習年分經該部奏留後歸入主事本班咨查補用

各項學習主事 陳燮周郵傳部 以上一員應准接算前資扣滿學習年分經該部奏留後歸入主事本班

咨查補用

七品小京官 吉興度支部(原官候補中書) 金綬民政部 景祺郵傳部(以上二員原官貼寫中書)

孫百英農工商部 廖福同法部 周昌壽法部 夏昌熾郵傳部 陳其瓊學部 屠敏恒學部 王烈

農工商部 李國鈞民政部 黃康年郵傳部 方彥忱度支部 許植材民政部(以上十一員原官考

晉繼學部 裴德麟學部 顧寶埏法部 徐遷喬學部 李浦民政部 滑德銘郵傳部 卓煒農工商部
 薛允中法部 袁耀堂郵傳部 郎鍾騏農工商部 向廷贊法部 萬承珪度支部 向肅郵傳部
 崔煥章法部 賈文範農工商部 張孟麒法部 吳世勳學部 程啟霖郵傳部 孫時勳郵傳部
 張祥基學部 胡宗楷民政部 葉秉良度支部(以上二十八員原官係考班未滿年限科中書) 張玉
 麟法部 林凱農工商部 龐友蘭民政部 陳毅芬民政部 李堂度支部 呂祖曜農工商部 朱延
 平民政部 張鳳昌農工商部 吳鵬民政部(以上九員原官係考班未滿年限閣中書) 汪樂度支部
 何其樞農工商部 顏殿芳度支部(以上三員原官係正途學習司務) 陳蓉光度支部 楊同升郵
 傳部 李傳儒民政部 彭樹棠郵傳部 王翼農工商部 郭玉璜農工商部 孫嵩齡郵傳部 趙爾
 瑗法部 朱光國法部 包學淵郵傳部(以上十員原官係正途捐納候補閣中書) 張聯藻度支部(原
 官係正途捐納未滿年限閣中書) 李頌年民政部 崔灝法部(以上二員原官係異途捐納候補
 科中書) 陶企會法部 孫統荃郵傳部 俞慶濤民政部 孟繼昌度支部 鄭文選民政部 王作
 霖農工商部(以上六員原官係異途捐納未滿年限科中書) 查忠輔度支部 喻尊鐸法部 陳桂蓀
 農工商部 胡炳三民政部 謝保南度支部(以上五員原官係異途捐納候補司務) 劉鵬翔農工商
 部(原官係異途捐納學習司務) 以上六十五員改爲小京官行走三年奏留後歸主事學習
 褚明柄郵傳部 李芳農工商部 盧文炳農工商部 管聯第法部 孔憲榮學部 江椿民政部 劉
 壽祺度支部 楊德培法部 鄭玉麟學部 吳祖鑑度支部 陳範民政部 陸秉鈞郵傳部 以上十
 二員原官係考班小京官接算前資照例辦理
 小京官 何炯法部 隆啟法部 毓潤法部 桂昌郵傳部(以上四員原官七品實缺筆帖式) 以上四
 員係貢生出身照章作爲小京官出缺後底缺裁撤

實缺錄事 繼光民政部 寶存民政部 熙霖郵傳部 瑞澐郵傳部 和喜郵傳部（以上五員原官實缺筆帖式）以上五員照章作為各部實缺錄事出缺後底缺裁撤

實缺筆帖式 璧彩度支部 世興度支部 寶賢度支部 寶源度支部 成壽理藩部 書桂理藩部

瑞敏理藩部 松印都察院 豐源都察院 崇學都察院 圖欽布都察院 以上十一員應作為各衙門實缺筆帖式出缺後底缺裁撤

候補小京官 德馥郵傳部 繼良郵傳部（以上二員原官候補筆帖式） 以上二員係貢生出身照章作為各部候補小京官

學習小京官 英德法部（原官學習筆帖式） 以上一員係貢生出身照章作為該部學習小京官

候補筆帖式 貴和度支部 清吉度支部 增林理藩部 普良理藩部 德續都察院 張長保都察院

以上六員應作為各衙門候補筆帖式按照酌補新章辦理

候補錄事 白文成民政部 寶勳民政部 蔭德法部（以上三員原官候補筆帖式） 恒德民政部（原官學習筆帖式） 以上四員應作為各部候補錄事

學習筆帖式 清懋度支部 倭什渾布理藩部 文銓都察院 以上三員應准接算前資扣滿學習年分

奏留後酌量補用

八九品實缺候補錄事 馬玉溥法部 郭鍾靈民政部（以上二員原官吏部八品錄事） 馮壽昌民政部

趙進德民政部（以上二員原官吏部九品錄事） 趙步武法部 王鳳藻民政部 王正銘郵傳部

賀繼琛郵傳部 陳榮義郵傳部（以上五員原官吏部候補八品錄事） 韓龍熙民政部 朱岱華法部

李蓮坡法部 增廉郵傳部 劉寶琛法部 陳源民政部 許金坡郵傳部 孫承烈郵傳部 吳公

詔法部（以上九員原官吏部候補九品錄事） 以上十八員無論實缺候補仍以原品候補

石印現行刑律定本每部十二册向售大洋二元刻爲廣銷起見格外從廉如有躉莊批發十部以上八折五十部以上七折百部以上六折千部以上五折外埠郵費照遠近酌加特此聲明

●本局新出各種要書（躉批照章折扣）

奏定各省諮議局並選舉各章程一册大洋一角五分○諮議局章程及選舉章程解釋彙鈔已出十一册每册大洋壹角○憲政分年籌備事宜表一册大洋貳角○憲法大綱一册大洋六分○奏定城鎮鄉地方自治章程一册大洋一角○京師地方自治章程一册大洋一角二分○資政院議員選舉章程一册大洋一角○欽定府廳州縣地方自治章程一册大洋一角

督辦粵漢川漢鐵路大臣招考示

爲招考事照得粵漢鐵路業經聘定英國總工程師籌畫開工事宜惟工程繁重亟需廣招中國鐵路專門學建築工程人員隨同辦理現定七月中旬即西歷九月上旬在武昌省垣適中之地定期開考凡遠近各省儲學待用及曾至本大臣行轅投効者均應查照招考章程一律與考聽候飭出總工程師評定錄取再行分別任用惟機械專門學現在暫不收考毋庸前來並仰知悉切切特示

招考簡明章程

一考試格式 試卷專用英文以理想實驗兩科爲主內分算學測量材料基礎橋梁各門命題 一投考資格 曾經留學各國及中國專門學堂得有學位及畢業文憑者 一報名處 在武昌省城平湖門外丙棧本督辦大臣駐鄂總公所 一截止限期 自出示日起至七月初十日爲止 一錄取限制 各種科學文字以平均七十分以上者爲合格 一任用時日 在錄取之列者須俟本年九月開工之際即西歷十一月一號始行派事

內閣官報發行章程摘要

第一條 印鑄局設發行所專管官報寄遞京外事宜

第二條 內閣官報每日出報一分每月收回報價大洋八角常年八元郵費在外概不零售

第三條 內閣官報發行以十二個月為一年六個月為半年

第四條 在京各部院按日送閱一分至三分不收報費外其各署廳司局處另行在本局訂購者均於每日

出報後即刻派人專送

第六條 各省除行政司法各官廳皆有購讀官報義務外凡武職旗營自治團體學堂及候補人員本地紳

民均可向布政司或度支司衙門經理官報處購買

第七條 前條閱報人員有欲徑向印鑄局掛號按日徑寄者每分先繳報費並酌交郵費由局按日另寄

第八條 在京分送各報係由印鑄局送報夫役走送者均登送報簿如有遺漏遲誤閱報人得隨時函告印

鑄局處理外寄各報有遺漏者由經理官報處或閱報人函知印鑄局查補

第九條 遠近定購本報至少須先定半年預繳報費後給予定報收單即照開明地址分別送寄如有遷移

事故隨時知照以便更改

第十一條 內閣官報除在京由印鑄局發行及准各報房承領在外由布政司或度支司發行外各省官報

局商報館以及殷實店舖有願代銷者函告印鑄局發行所書明認領報數即可訂定照寄扣給報價二成

作為酬勞惟應常年先付報價三個月以昭憑信願領銷多分者得另訂合同

第十二條 除各官廳官有事業官立學堂示諭廣告外凡京外官商曾經奏明辦理之銀行鐵路鑛務及在

農工商部註冊設立各項公司並有確實證據之不動產欲刊印單篇告白隨報附送者可函請本局核定

刊登其附送以本京為限五行起碼第一日至三日每日五元四日以下四元五角六行以下第一日至三

日每日每行加五角四日以下每行加四角五分其附登本報則以半面起碼第一日每半面洋十元第二

日至第十日每半面日收洋八元十一日至一個月每半面日收洋六元第二月後每半面日收洋五元以

後官報行銷愈廣再行改訂凡各官廳及官有事業學堂公益等事欲附登本報者酌收半費